



ՎԱԶԱԳԱՆ ՀՈՎՀԱՆՆԻՍՅԱՆ

(Ս. էջմիածնի Հոգևոր Ճեմարանի
Գ. Լսարանի ուսանող)

Վ Ա Ղ Վ Ա Օ Ր Ը

Վսեմ գործ է՝ այսօրն ապրել վաղվա համար,
վաղվա երգը այսօր գրել.
վաղվա շենքին դնել քեկուզ համեստ մի փար՝
Այսօրվա մեջ վաղը տեսնել:

Սերմնացանը սերմանում է հերկած դաշտում
Ոսկեհակինք ցորենն առատ՝
Հոգու աչքով շրջում վաղվա ոսկե արտում,—
Եվ հավատն է լեռն Արարատ:

Արծաթահեր պարտիզայանը դողդոջ ձեռքով
Մատղաշ ծառը պատվաստելիս՝
Այգու վաղվա փաղցրությունն է զգում հոգով,
Եվ շշնջում՝ «Ե՛կ, սիրելի՛ս»:

Որմնագիրը փար դնելիս կիսատ պատին՝
Մի հոյակապ շենք է տեսնում,
Վեր խոյացած հաստատուն շենք, հաղթամարմին,
Խաղաղ երկնի ջինջ ոլորտում:

Գիտնականը մտածում է... Անդուլ երկնում
Հայրենիքում մեր կենարար,
Վաղվա համար մի նոր բարիք է նա դարբնում՝
Բարու փոխում ատումը չար:

Եվ իմ երգն էլ վաղվա երգն է խաղաղատենչ,
Որպես մի հասկ վաղվա դաշտում,
Պատին մի փար, հույսի մի սերմ ա՛յն սրտի մեջ,
Որ իր խաղաղ կյանքն է պաշտում:

Վսեմ գործ է՝ այսօրն ապրել վաղվա համար,
վաղվա երգը այսօր գրել.
վաղվա շենքին դնել քեկուզ համեստ մի փար՝
Այսօրվա մեջ վաղը տեսնել:

